

fidei meritum invenimus fidelibus fuisse collatum. Illa tamen favorabilia sunt dona principum, que sacrosanctis conferuntur ecclesiis, ut hereditas domini inter homines dilatetur. Hinc est igitur, quod nos attendentes devotionis ac fidei puritatem necnon et grata servitia, que tu Raynalde venerabilis Capuane electe, fidelis noster, maiestati nostre semper exhibuisti et incessanter satagis exhibere, de consueta nostre benignitatis ac munificentie gratia pro remedio quoque animarum domini quondam imperatoris patris nostri et domine imperatricis bone memorie matris nostre, concedimus, donamus et confirmamus tibi tuisque successoribus et Capuane ecclesie in perpetuum Castellum Maris de Vulturno cum omnibus iustis tenementis ac pertinentiis eius, que in hominibus terris aquis et quibuslibet aliis proventibus consuevit habere, quemadmodum olim a domino quondam imperatore patre nostro et domina imperatrice matre nostra predecessori tuo Matheo venerabili Capuano archiepiscopo eiusque successoribus et ecclesie Capuane per eorum privilegium noscitur fuisse concessum. Ad huius autem nostre concessionis, donationis et confirmationis memoriam et inviolabile firmamentum presens privilegium fieri iussimus et sigillo nostre celsitudinis insigniri anno, mense et indictione subscriptis.

Datum in urbe felici Panormi anno dominice incarnationis 1200 sexto, mense Martii, indictione nona, per manus Gualterii regni Sicilie cancellarii, regni vero domini nostri Frederici dei gratia illustrissimi regis Sicilie, ducatus Apulie et principatus Capue anno octavo, feliciter, amen.

Friedrich II. bestätigt dem Erzbischof Rainald in Anbetracht seiner reinen Treue und genehmen Dienste die Schenkungen, die gemäss den seiner Curie vorgelegten Privilegien Heinrich VI. und Constanze I. (1195 April 8 und 1197 September 24) dem Erzbischof Matthaëus gemacht haben.

1207 Mai, Palermo.

In nomine dei eterni et salvatoris nostri Iesu Christi, amen. Fredericus divina favente clementia rex Sicilie, ducatus Apulie et principatus Capue.

Licet imperialia et regalia queque munera perpetuo robore fulciantur, ea tamen ius digne perpetuat, illis favor assurgit inviolabilis firmitatis, que personis venerabilibus et sacrosanctis ecclesiis pia consideratio principum elargitur. Non enim decet esse temporale premium, per